


# ԲՈՒՄ

ՅԵՐԱՅԱԿԻՄ  
ՆՈՆՆԱԿՈՎՅԱՆ

579/  
1989/2





გუთხარ, წინწკარა  
ცივწკაროვ —  
ღუთხარობლის ცრემლი  
ცინცხალი,  
უკუღსუ მუტად  
ვის ჯეუვარს,  
უკუღსუ მუტად  
ვის სწუღლო?

— ვინც ამ შთა-ბარის  
მცველია,  
მისთვის მკლავმოუღლეღი  
და ვისაც ჯაჭირუებისს  
უკუღსუ იმუღად  
ელის...

გუღლობთ, ცინცხალი  
ცივწკაროვ,  
შენმა ჯამხენმა  
ისაროს.

თამაზ ბიბილური

მოდიო, ბარემ თავიდანვე გავიცნოთ: ლექსო და თამუნა და-ძმანი არიან. ლექსო ხუთი წლისაა, თამუნა — სამისა. ლექსო დინჯია და დარბაისელი.

სიღინჯე და სიღარბაისლე არც თამუნას აკლია, მაგრამ, როგორც გოგონებმა იციან ხოლმე, ზოგჯერ ზედმეტი ამჩატებაც უყვარს. ამგვარ დროს ლექსო შუბლს შეიკრავს და დაიკოს ეტყვის:

— თამრიკო, იცოდე უფროს-უმცროსი.

ათასში ერთხელ, თუ ნიკუშა ეტყუმრათ, ბიჭები, რა თქმა უნდა, ერთად თამაშობენ და გოგოს თავს არ უფადრებენ. თამუნა თავს არხეინად იჭერს, ვითომც არაფერიც, და ამგვარ დროს ბიჭებს თავისი განათლებით ჯაბნის: თუ ტელევიზორში ნახატ ფილმს უჩვენებენ და ყურცქვიტა ბაჭია ატირდება, ბიჭები ხარხარს დაიწყებენ და ერთმანეთს ეკითხებიან, — რა ატირებსო. თამუნა კი თავს ყოვლისმცოდნის სიამაყით ასწევს და იტყვის:

— დედა მონატრა.

განსაკუთრებული დღე მაშინ დგება, თუ ქალაქიდან მამიდა და ძია ამოვიდნენ. მამიდას და ძიას იქვე, მეზობლად აქვთ სახლი, მაგრამ უქმე დღეებში თუ გამოჩნდებიან. მამიდა დედა მოამზადებს ნაირ-ნაირ ნამცხვრებს, კონტად დააწყობს დიდ თევზებზე, ლექსო და თამუნა ამ თევზებს საზეიმოდ აიღებენ ხელში და მამიდა-ბიძიას ეზოში გადადიან. წინ ლექსო მიდის, უკან თამუნა მიჰყვება. ორივეს ამაყად უჭირავს თავი. დადგებიან შუა ეზოში თევზებგაწვდილნი და, დილაამდე რომ არავინ გამოიხედოს, ვერე ხმის ამოუღებლად, მაგრამ მაინც ამაყად იდგებიან.


— აბორიგენები მოვიდნენ! — დაიძახებს ამ დროს ბიძა.

— მობრძანდით, — ხელეებს გაშლის მამიდა, თევზებს ჩამოართმევს, შინ შეიტანს და ახლა თავადაც დააწყობს რამერუმებს თევზებზე, გამოვა მამიდა ეზოში და სადღა

არიან ლექსო და თამუნა?

გამქრალან!


არ გავა მცირე ხანი და ლექსო და თამუნა ისევ გამოჩნდებიან. ისევ თევზები აქვთ გამოწვდილი და ისევ ამაყად ჩერდებიან შუა ეზოში.



მხატვარი ვაჟა შურუული

საქ. სსრ კ. შარკისის  
სახ. საბ. რესპუბ.  
გ. კვლავ. თემი

19037



ძიაც ისევ გამოვა და იმავე სიტყვებს დაიძახებს:

— აბორიგენები მოვიდნენ!

სულ დამავეიწყდა მეთქვა, რომ აბორიგენი აქაურს, მამაპაპურ მკვიდრს ჰქვია და ლექსო და თამუნაც ხომ იმ სოფლის მკვიდრნი არიან. იმათ პაპა-ბებიასაც იქ უცხოვრია და პაპა-ბუბიის წინაპრებსაც.

მამიდა ახლა უკვე აჩნებდა და ეზოს გადაღმა თავის რძალს გასძახის: — რა ამბავია ამდენი რამის გამოგზავნა, დაგვასვენეთ, ამდენი ჭამა აღარ შეგვიძლია, აღარა!

ამის თქმაა და ლექსო და თამუნა ისევ გაქრებიან.

მამიდა იტყვის, არაფერში ზომა არ იციან ჩემმა ძმამ და რძალმაო. ბიძა გაიცინებს, რა გქნათ, რომ ასე კარგები ვართ და ვუყვარვართო.

ცოტა ხნით ლექსო და თამუნა დაავიწყდებათ. თავისი საქმით გაერთობიან. აბა, სოფელში საქმეს რა გამოლევს...

და უცებ მამიდა ბიძას გასძახებს — ერთო

გაიხედე ეზოში!

ბიძა გაიხედავს და ორივეს სიცილი აუტყვდება:

შუა ეზოში ისევ ლექსო და თამუნა დგანან. ვეგბა თევზები გამოუწვდიან (თევზი საესება მსხლეებით, ბლითა და ატმებით) და ხმის ამოუღებლად, მოთმინებით ვლიან, როდის გამოვა ბიძა და თავისებურად დაიძახებს:

— აბორიგენებს გაუმარჯოს!

გაივლის წლები და ლექსოს და თამუნას ეს ყველაფერი დაავიწყდებათ... ან იქნებ არც დაავიწყდეთ? სასაცილო და თანაც ძალზე სასიამოვნო ამბებს, განსაკუთრებით, თუ ბავშვობაში გადახდენია, ადამიანი ძნელად ივიწყებს. მე კი, როცა სოფელი მომენატრება, როცა ქალაქში გამოცეტილს მიწა და სუფთა ზეცა შეძახის, თვალწინ ხატად ის სურათი დამიდგება:

შუა ეზოში უხმოდ მდგარი, თევზებგამოსიწვდილი ლექსო და თამუნა.

თევზები კი, რასაკვირველია, ხილითაა საესე...






2 x 2

## „ნოთხ“ კვძი სანგარიშუ!

ტარილ ჭანტარიი

— არასოდეს შემცდარა  
მამანების „ნოთხი“:  
ორჯერ ორი უოველთვის  
არის მხოლოდ ოთხი!  
არასოდეს შემცდარა  
„ნოთხი“ ჩემი მამის:  
ერთჯერ სამი უოველთვის  
არის მხოლოდ სამი!  
რასაც იხვარაშებს,  
არის მუდამ სწორი:



ერთჯერ ორი უოველთვის  
არის მხოლოდ ორი!  
ეს არ იყოს „ნოთხი“ და  
არ ვამიწურეს ღმერთი,  
ერთჯერ ერთი უოველთვის  
თუ არ იყოს ერთი!  
— ამირანამ, მავ ბრეკვა,  
საქმე არ იშოვა?  
„ნოთხი“, ბიჭო, მოსწავლის  
სანგარიშოა!  
— იყოს სანგარიშო!  
სანგარიშოთიც  
ოთხი შოთი ვამოვა  
ორჯერ ორი შოთი!





# ოსტატები

## რეჟისორი

გალერეაში სოფელი თუ ქალაქის ძალიან განაპირა უბნული ბავშვები შემოვიდნენ. წინ მასწავლებელი ქალი მოუძღოდით. მასწავლებ-

ბელსაც და ბავშვებსაც უჩინადად ეჭირათ. უჩინადად ათვლიერებდნენ სურათებს და დაკებებს. მინც ეტყობოდათ, რომ ქალაქელები არ იყვნენ. ჯერ ერთი — შხით ჰქონდათ შემუშხული სახეები და ხელები, მეორეც — ცოტათუ შეტად გავცინებოდათ, სულ ერთიანეთს ეუარებოდნენ.

შხოლოდ ერთი თორმეტოდე წლის ბიჭი მიდიოდა თავისთვის. ხელები უკან ჰქონდა შემოწყობილი, დაფიქრებული უეურება ცველა სურათს, ყველა ქანდაკებას. გამორჩევი დიდხანს გაჩერდა მხრებშიშეღებული, გაცინებული ბიჭის ბიუსტთან. უკანიდანაც შემოუარა, ისეე წინიდან შეაჩერდა, მივიდა მთლად ახლოს, ასწია ხელი, ფრთხილად დაუსვა მხარზე.

— ხელი! ხელი! — მოისმა მკაცრი ხმა.

ბიჭმა მიხედა, ხნიერი ქალი და მთლად თეთრთმიანი, ხელჯოხისაკენ დადუნული მამაკაცი იდგნენ. ქალი წყრებოდა:

— შეება როგორ შეიძლება! ყველამ რომ ვერ დაუსვავას ხელი, რას დამსგავსება!..

ბიჭმა თავი დაღუნა და წავიდა. იმ ოთახში აღარაფრისათვის შეუხედავს, მეორე ოთახში ისეე კოპებსკერული მიიჩერდა დიდ ტილოს, რომელხედაც დიდი ღურჯი მთები და პატარა მხიარული ცეცხლი იყო გამოსახული. თავზე ვიდაცამ დააღო ხელი, აიხედა. ის თეთრთმიანი კაცი იყო, ხნიერ ქალთან რომ იდგა წელან.

— გეწყინა? — დმილთით ჰკითხა კაცმა ბიჭს.

ბიჭს გაუგებრობა გამოეხატა სახეზე.

— ქალი რომ გავიწყრა, — ხელი, ხელი. ამხზე ბიჭს გაეღიმა. მინც არაფერი თქვა.

— მეც სულ შენ გიყურებდი...

თეთრთმიანმა კაცმა მკლავეში ხელი გამოსდო. ჯოხი მეორე ხელში გადაიტანა.

— თან ვიაროთ, შენს ჯგუფს არ ჩამორჩე. ერთი რამე მინდა გიამბო და, თუ შეიძლება.

ბიჭმა თავი დაუქნია.

— მიაბბეთ.

— პაპა მყავდა ერთი, კახეთში, ვახიძირას ეძახდნენ. ხომ კაი სახელია — ვახიძირა!

ბიჭმა ისეე თავი დაუქნია.

— იმ ვახიძირას იმოდენა ვენახი ჰქონდა, თავში რომ დაეკეხანა, ბოლოში ვერ გააგონებდი. თან მოვლილი იყო ის ვენახი, ცუდად შემრუნებულ ფოთოლს ვერ უნახავდი. დასხმა იცოდა, თითქოს საგანგებოდ დაუკიდებოათ მტკვ-

ნებოთ... და აი, ამოდენა, ასე დასხმულ ვენახში, კურძენი რომ შეითვალებოდა, შეშქიფდებოდა ცოტა, — სად შეითვალებოდა ხოლმე ყველაზე პირველად, ხომ იცი, — ბილიკთან; დაენახავდით ჩვენ, პატარები, იმ ახალშეთვალულ მარცვლეთს და წავვიცდებოდა ხელი, გამოვკენკავდით. ვიცოდით, არ უფერადათ ეს გამოკენკვა დიდებს, მაგრამ მაინც წავვიცდებოდა ხელი.

გამოვკენკე ერთხელაც ზუსტად სამი მარცვლი და ტკაც — ლოფაში! გადავხტი.

გაცეცხლებული პაპა კიდევ მიღერებდა სილას.

— რამდენჯერ უნდა გითხრათ, ნუ ჰკენკავთ-მეთქი, რამდენჯერ უნდა გითხრათ!

წამოიწია ერთხელაც, მაგრამ გავიქეცი.

მაშინ ვერ ვხვდებოდი ასე კარგად, ახლა კი აი, ასე ვხვდავ ყველაფერს, ჩემი ხელისგულივით. პაპას ძალიან მოსწონდა, ეამაყებოდა თავისი ნაკეთობა — ვენახი. მოჭუტავდა თვალებს და უყურებდა ხოლმე საურმიდან ტბობით. შიგნით მოწვეიტეთ, მთელი მტკვანი მოწვეიტეთ და აქედან ნუ მიმახინჯებთო. გიყვებივით უფვართ თავიანთი ნაკეთობები ნამდვილ ოსტატებს, მვეენახე იქნება თუ მოქანდაკე, სულ ერთია... შენ რა გაინტერესებდა იმ ბიჭის მხრისა, ხელი რომ დაუსვი?

ბიჭმა გაუბედავად თქვა:

— როგორ იყო გაპრიალებული!

— კარგად იყო?

— კარგად.

თეთრთმიან კაცს გაეცინა, ჯოხი ორივე ხელით დაიბჯინა წინ.

— სითბოც ხომ არ გაინტერესებდა?

ბიჭმა თავი დაუქნია.

— თბილი არ აღმოჩნდა?

— კი, თბილიც იყო.

— აბა, გავშლილვარ წელში, — აიმართა, — ვე ბოუსტი ჩემი გაკეთებულია; ჩემი შვილიშვილია, პატარა.

— მართლა? — თვალები გაუბრწყინდა ბიჭს.

— მართლა.

კაცმა ბიჭს მხრებზე მოსდო ხელი.

— გიყვებივით არიან ოსტატები, ერთ წერტილს ვერ იტანენ სხვის დასმულს თავის ნაკეთობაზე, სულ ერთია, მოქანდაკე იქნება, თუ მვეენახე ვახშიძირა. ამიტომ არაფერი არ უნდა

გეწეინოს მათგან.

ხელიც და ჯოხიც ასწია გამოშქვრდამტკვრისაკენ ნიშნად და წავიდა.

— ეინ იყო, რას გელაპარაკებოდა? — ჰეითხა ერთმა ცხვირაპრებილმა გოგონამ ბიჭს.

ბიჭმა მხრები აიჩუნა. მაინც იღვა და იქით იყურებოდა თეთრთმიანი კაცი რომ წავიდა.



მხატვარი ელუარდ ახაოკაძე

# ლიფტი

ლია ტაბიძე

როცა საქმე გვიძობს გარეთ,  
უძალ ვჩნდებით ლიფტთან,  
თითს დავაჭერ ციცქნა ღილაკს,  
აინთება წითლად.

ვაილება შახტის კარი,  
„მოხმანდითო, აბა!“ —  
და კაბინით — ჰერი, ჰერი, —  
ძირს ვეშვებით სწრაფად.  
თუ შემთხვევით დანიახდა,  
ისმის ვაი-ვიში,



ჩქარა, ჩქარა, მოეხმარეთ,  
ჩვენს ლიფტს გასაჭირში.  
გამოცდილი ხელოსანი  
ჩხირკედულობს დინჯად,  
ბეგირსა და რეინის ჭახრაკს  
დაკვირვებით სინჯავს.  
სუძრობაა, ჩვენს სიცოცხლეს  
უფროხილდება იგი,  
კულავ ინთება ღილი წითლად,  
კართან დგება რიგი.  
არსეინად აღმა-დაღმა  
დავსეირნობთ ახლაც,  
ლიფტი ჩვენი განუერული  
მეგობარი გახლავით.

მხატვარი ბია ლავაური



# პატარა მწყემსი

ზაალ პაპონიძე



ეს პატარა ბესია  
მთლად ნამდვილი მწყემსია.

მოკუნტრუშე თიკნებით  
მოსატულა ფურდი;  
ესმანებათ ჯიქნები —  
ავსებული რძითი.

ჰეი, გოგო, ნათია —  
მოძეძეველე, მადლია.  
აქეთ გამოუწეერი,  
არ შეგვასწრონ ტყეში;  
რა ეშმაკებს უცქერი  
ცაში, გოგო, შეშლი!

ირგვლივ მინდვრის ზღვა არის,  
ნათი ბესის და არის.  
ხატჰეჰელებს დანდევს  
ნათი — ფრთახატულა;  
მოკუნტრუშე თიკნები  
ველზე დაფანტულან.  
ველამდე აქეთ ცვრიანი  
მოხიბინე მოლი,  
გოჯა რქებით ამაუთს

მათი წინამძღოლი.

ეს პატარა ბესია  
მთლად ნამდვილი მწყემსია.

წუთი-წუთზე ითვლის —  
გაწვდილი აქვს თითი:

ერთი,

ორი,

სამი —

შეეფენდება წამით.

სომ არ მძელიაო,

მწყემსის ნაკლიაო,

თუკი ფარეს არეე

თვლით არ შიადგება;

მზე გორაკებს გადასცდა

უკვე გვიანდება.

ჰერი, ახლა ხახლისკენ,

მხარზე კომბლით — ჰერი,

ბესი არევეს აგროვეს

და ხმამაღლა მღერის:

— გამოვდენე ოცი და

მომავეს უკან ოცი,

ბებოს გაუნარდება,

თვალებს დამიოცნის.

ეს პატარა ბესია

მთლად ნამდვილი მწყემსია.



ქუთაისის ბიზნაზიაში. თუშუქის შირშიტა. კრცვაშ. მაქსიმოვიჩი და ბამოცღვაბი. ტროუ. საპაპა. „ორი სიზმარი“. „პანდელი“.

სოფელთან გამოთხოვებას აკაკი მტკივნეულად განიცდის. აქ გათავდა ჩემი ბავშვობის პირველი ხანა — ბედნიერი, ნაყოფიერი და დაუფიქარიო.

გიმნაზიაში შესული აკაკი ერთად თავშეყრილი იმდენ ბავშვს რომ დაინახავს, ერთ ადგილზე დაბნეული დაღვება. მოზრდილი ბავშვები სულგანაბლები მერხებზე სხედან, ახლადმოსული პატარა მოწაფეები კი კედლებთან ჯგუფ-ჯგუფად ატუხულან. კედლებზე ირვვლივ ჩამოკიდებულ ქაღალდის ფიცრებზე ბავშვებს ანბანს და ამოსაღებს აკითხებენ. ყოველ ჯგუფს უფროსი ჰყავს. ბავშვს თუ კითხვა შეეშლება, წკებლას ურტყამს. ბავშვები რომ კედლებს შემოვილიან, კითხვა უკვე ნასწავლი აქვთ და შეუძლიათ მერხებზე დასხდნენ. ზოგი თურმე ამ კედლების შემოვლას წელიწადზე მეტს ანდომებს.

რაკი აკაკის ანბანი შესწავლილი აქვს და რუსულ კითხვაშიც ნეარჯიშვია, ამ კედლებს ერთ დღეს შემოირბენს. მასწავლებელი აღერსით ხელს გადაუსვამს და უფროსებთან დასვამს.

რუსული ენის გაკვეთილზე ქართული ვისაც წამოსცდება, იმას ხელში თუ

ნუქის ფირფიტას, ანუ „მარკას“ აჩენებენ და თან ხელის გულზე სახახავს ურტყამენ. თუ გაკვეთილების დამთავრებამდე ბავშვს ეს ფირფიტა ხელში შერჩა, უსაღილოდ დარჩება, ამიტომ ცდილობს, როგორმე სხვას შეაჩენოს. ეს ერთმანეთის გაბრიყვებას და ცბიერებას აჩვენებს ბავშვებს.

აკაკი გიმნაზიაში ერთი კვირის მისულია, რომ მასთან ერთი ანგელოსის სახიანი პატარა ყმაწვილი მივა და მგობრული, ტკბილი დიმილით ქართულად რაღაცას ჰკითხავს. აკაკიც ქართულად უპასუხებს. ყმაწვილი სიხარულით შეაჩენებს ფირფიტას. აკაკი ფირფიტას კი ჩამოართმევს, მაგრამ სახახავის დარტყმაზე არ დათანხმდება, მარტო ვართ და ვინ გაიგებსო. ბიჭი ეტყვის:

მე თუ დამამრტყვს, შენ რა ჭრელი პეპელა ხარო? და მასწავლებელთან დააბუხვებს. მასწავლებელი ძრის-ხანედ ეტყვის აკაკის, ურჩობას როგორ ბედავ, აქ შენი სახლი ხომ არა გვინათო? დარაჯებს დაუძახებს და უბრძანებს: როზვი დაჰკარიოთო. აკაკი ფანჯარაზე შეხტება, მინას გაამტვრევს, ვადახტება და შინ გაიქცევა. შშობლებს განუცხადებს: თუ კიდევ გამაგზავნით იმ დასაქცევ გიმნაზიაში, თავს დავიხრჩობო! შეშინებული შშობლებიც თავს ანებებენ. კვირის თავზე წერეთლების ოჯახში მივა ქუთაისის გიმნაზიის დირექტორი — კოცბოუ, ქართულის კარგი მცოდნე და ქართველების მოყვარული; აკაკის ყველაფერს დაწვრილებით გამოჰკითხავს, მერე მოეფერება და



მხატვარი ელზარ აბოქაძე

ეტყვის: შენ ნუღარავის გე-  
შინია! ხელ ჩემთან მოდი  
და კლასში მე წაგიყვანო.  
მეორე დღეს კლასში აკაკის  
მართლაც კოცებუ შეიყვანს,  
თან ბრძანებს, მარკა და ცე-  
მა-ტყეპა მოსპეთო.

მაგრამ სკოლაში ცემა-  
ტყეპას მაინც არ მოშლიან.

ერთხელ ერთი მოსწავლე  
კლასში ხაჭაპურებს მოი-  
ტანს და ლატარეაში თითო  
კაპიკად ჩააგდებს; რამდენიმე  
ბავშვი დადებს თითო  
კაპიკს, მაგრამ ვისაც ლატა-  
რით შეხვდება, ხაჭაპურე-  
ბიც იმისი იქნება. აკაკის  
სული წასძღვეს, ხელს მოა-  
წერს და კაპიკს დადებს. შე-  
მოვსწრებათ მასწავლებელი.  
სახახავს ხელში დაიჭერს



და ყელას ხრთის კეთიხება:  
რომელი ბელით მოაწერეო?  
მერე კი იმ ხელზე ურტყამს  
სახახავს. აკაკი იფიქრებს:  
წერთი გაკეთილი მოქვს,  
არ შეტკინოს და კარგად  
დაწერო. ვერჯეო, მარცხენა  
ხელით მოვაწერეო. მასწავ-  
ლებელიც მარცხენაზე დაპ-  
რავს, მაგრამ მერე ეჭვს შეი-  
ტანს, მარცხენათი ვერ მოა-  
წერდაო. სახახავს ახლა  
მარჯვენა ხელზე დაპრავს.  
აკაკი ტირის, ხელი უკან-  
კალბს და წერთი სამუშაოს  
ცუდად შეასრულებს. მას-  
წავლებელი ნაწერს დაუწუ-  
ნებს და სახახავს კიდევ დაპ-  
კრავს. გაკეთილის დამთავ-  
რებამდე სულ ოთხჯერ დაპ-  
კრავს და აკაკის ხელი სამუ-  
დამოდ გაუფუჭდება. აკაკის  
გალახვის ამბავს კოცებუ  
გაიგებს, მასწავლებელს შე-  
ნიშნას მისცემს და ამის  
შემდეგ განაწყენებული მას-  
წავლებელი ბავშვს ამოიჩე-  
მებს და ყურადღებას საერ-

თოდ აღარ აქცევს, აღარც  
ასწავლის და აღარც რაიმეს  
კეთიხება.

ბავშვებს მეტი სმეტად  
ფიცბი და გულტყვა აღამაი-  
ნი, ვინმე მაქსიმოვიჩი ვა-  
მოცდის. აკაკის ამხანაგები  
სახეპირობებს კი კარგად  
იტყვიან, მაგრამ საქმე მიხ-  
ვედრილობაზე რომ მიდგება,  
დაიბნევიან. აქ თავს გამოი-  
ჩენს აკაკი და მაქსიმოვიჩი  
იმ მასწავლებელს, რომე-  
ლიც აკაკის ხელდაც აღარ უყუ-  
რებდა, მაღლობას ეტყვის,  
აკაკის კი შუბლზე აკოცებს.

გამოცდებზე გამარჯვე-  
ბული აკაკი შინ ფრთაშეს-  
ხმული დაბრუნდება. მამა-  
მისს სტუმრები ჰყავს და აკა-  
კის გამარჯვების ამბავს რომ  
გაიგებს, თავის ქებას დაიწ-  
ყებს, თაჩაღუნული დედა კი  
თავს მაღლა არ იღებს. საღა-  
მოს, დასაძინებლად ჩაწო-  
ლილ აკაკის ის ლოგინზე  
ჩამოუჯდება და ეუბნება, მა-  
მამ წელან გითხრა, შენთვის

სხვებს რომ ეჯობნათ, შენი  
სირცხვილი იქნებოდაო.  
სხვები რომ კარგები იყვნენ,  
შენი სირცხვილი რატომ იქ-  
ნება. სასირცხვილო ის  
არის, შენდათავად რომ არ  
ვარგისარ და სწავლას არ  
ცდილობ. სხვებს კი არ უნდა  
ეჯობებოდე, უნდა ცდი-  
ლობდე, შენ იყო კარგი, და  
სხვებიც თუ შენისთანები  
იქნებიან, უკეთესი არ იქნე-  
ბა? შენ ამით რას დაკარგავ?  
მათი სიკეთე კიდევაც უნდა  
გიხაროდესო.

მეორე კლასში აკაკი სა-  
ჩუქრით გადადის. და ისევ  
მონდომებით სწავლობს. ერ-  
თი კარგი მასწავლებელი  
ჰყავს, გვარად ტროე. ბავშ-  
ვებს მხოლოდ რამდენიმე  
სიტყვით ახეპირობინებს  
რუსულად, ოღონდ ისე, რომ  
ყოველი სიტყვის მნიშვნე-  
ლობა იცოდნენ და ახსნან.

ერთხელ, დიდ შესვენე-  
ბაზე, რახან დილით არაფე-

რი უჭამია, აკაკი შინ მიი-  
ბენს, ახალუხის ჯიბეში  
ცხელ მჭადს ჩაიდებს, ისევ  
სკოლაში გაიქცევა, და  
ტროეს გაკვეთილზე დააგ-  
ვიანდება. ტროეს ხუთი მო-  
წაფე უკვე გამოძახებული  
ჰყავს და დაგვიანებულ აკა-  
კისაც იმათ ამოუყენებს.  
ცხელი მჭადი აკაკის ბარ-  
ძაყს დასწავავს და შმაშურს  
დაიწყებს. ტროე შეამჩნევს  
და ჯიბიდან მჭადს ამოაღე-  
ბინებს, მიელ კლასს ხარხა-  
რი აუტყდება. მასწავლე-  
ბელსაც უღვაშებში ჩაეცი-  
ნება და მჭადს მაგიდაზე და-  
დებს. ამ დროს კლასში ინს-  
პექტორი შემოვა, დაიღრია-  
ლებს: ამ მჭადს აქ რა უნდა,  
ვინ მოიტანაო!... ერთი მოწა-  
ფე წამოხტება და მოახსენ-  
ებს: წერეთელს ჯიბიდან  
ამოუღესო.

ინსპექტორი მიუბრუნ-  
დება აკაკის და შეეკითხება:  
რად მოგიტანიაო? ბავშვს  
ენა ჩაუვარდება, მაგრამ ამ  
დროს მასწავლებელი მოახ-  
სენებს: ამას ახლავე გაივებ-  
თო, და აკაკის შეეკითხება:  
ეს რა არისო? აკაკი ამოიკ-  
ნავლებს: მჭადიო, რითი  
ცხებეაო? სიმინდის ფქვი-  
ლითაო. მერე შეეკითხება:  
სიმინდს როდის სთესენო,  
როგორ იზრდებაო, მჭადს  
როგორ აცხობენო. ბოლოს,  
პარკო, ეტყვის, ხვალ  
ბრინჯის მოტანა არ დაგა-  
ვიწყდესო. ინსპექტორი  
იფიქრებს: მჭადი მასწავ-  
ლებლის დავალებით მოუ-  
ტანაო და კლასიდან უხმოდ  
გავა.

აკაკი მესამე კლასშიც  
ქების სივლით გადავა და  
წიგნებით დააჯილდოვებენ.

მეთხე კლასიდან რუსუ-  
ლის მასწავლებელი შეეც-  
ვლება. მისი გვარია საპევა,  
სულ ცხვირ-პირი ჩამოსტი-  
რის და სხვის სიცილზე გუ-  
ლი მოსდის. საპევა აკაკის  
აითვალისწინებს და წინა-  
მერხიდან უკანა მერხზე გა-  
დისვამს. წინა მერხებიდან  
ბავშვები თითს უჩვენებენ,  
აკაკი სიცილს ვერ იკავებს  
და საპევა კლასში შესვლას  
აუკრძალავს. დირექტორი  
ამის მიზეზის გასარკვევად  
საპევას გაკვეთილზე შვეა.  
საპევას კირილე ლორთქი-  
ფანიძე ეუბლება დაფასთან  
გაყვანილი. კირილე დინჯი  
ყმაწვილია, საპევას კი არ  
უყვარს, მოწაფე რომ სა-  
კითხს დიდხანს უფიქრდება.  
დაფიქრებულ ლორთქიფა-  
ნიძეს ზურგიდან მიეპარება,  
თავში ხელს დაჰკრავს და  
ცხვირ-პირს დაფავს მიახ-  
ლენებს. სწორედ ამ დროს  
შვეა დირექტორი. ამის მერე  
საპევას გიმნაზიაში ვედარა-  
ვინ ნახავს.



გიმნაზიის ისტორიის  
მასწავლებელს იკრინებს აკაკი  
მოხუცებულიობაში დაწე-  
რილ მითხრობაში: „ორი  
სიხმარი; იგი თურმე გარა-  
ცებით უყვებოდა ბავშვებს  
მონღოლებზე რუსების გა-  
მარჯვების ამბებს. აკაკი შინ  
რამე მივიდა, მაშამ წიგნი  
გადმოუღო ქართულებისა  
და მონღოლების ბრძოლაზე.  
აკაკიმ ეს წიგნი უჩვენა მას-  
წავლებელს. მან კი უთხრა,  
მაგ წიგნში ტყუილი ეწერება  
და ნუ დაუჯერებო; მერე  
ინსპექტორთან დაასმინა, და  
აკაკის წიგნი ჩამოართვეს,  
არ იცი, რომ ქართული წიგ-  
ნების კითხვა აკრძალული  
ვაქვითო? ერთხელ აკაკის  
სკოლაში ქართული სახარე-  
ბა უნახეს. მასწავლებელმა  
უთხრა: ჩვენს ენაზე დაწე-  
რილი ძაღლის ენაზე დაწე-  
რილი წიგნი ამჯობინო?  
და წიგნი კედელზე მიუხეთ-  
ქა, აკაკი კლასიდან გამო-  
ვარდა და სახლში მისულმა,  
ბალიშში თავჩარგულმა და  
გულდამომჯდარმა დიდხანს  
იტირა.

აკაკის დის, ანას თქმით,  
აკაკი ექვს-შვიდ წლამდე  
ხეპირად გამოთქვამდა  
ხოლმე შაირებს; მერე როცა  
წერა ისწავლა, წურდა კიდევ.  
პირველი ლექსი რომ დაწე-  
რა, აკაკი თორმეტი წლისა  
იქნებოდა და იმ დღიდან კა-  
ლამი ხელიდან აღარ გაუშ-  
ვია. ეს არის ლექსი „კანდე-  
ლისადმი“:

...გაბრწყინდი, ჩემო კანდელო,  
მინათლე ბნელი ღამისა!..  
მინათლე, რადგანც დავირჩა  
სინათლე მცროს ქამისა!..



# ლეკვი საბავშვო ბაღი

## სირა ჟიბიაშვილი

ვიამ ლეკვი მოიყვანა,  
 თქვა: — შეხედეთ, იცის ვეფა!  
 — ჰამ-ჰამ, ჰამ-ჰამ, — ვინ აცვლა,  
 შეეჯიბრა უძულ ბუქა.  
 ბუქას შაქრო მიეშველა,  
 შაქროს — დათო,  
 დათოს — თინა,  
 ჩაისუნთქა კანაბურმა  
 და ბოხი ხმით შეუღრინა.  
 ვეფს ციცინო,  
 ვეფს თაბარი,  
 ვეფს ლამა და  
 ნახი ლელა,  
 რა ბაღია ამისთანა,  
 ძაღლს უტყვენ ერთად ვეფლა.  
 აუობს სურა,  
 აუობს კატო,  
 აქეთ მზია,  
 იქით — ტატო.  
 ჩუმად არის ძაღლი მარტო  
 და შესცქერის თავის ჰატრონს...  
 — რად ვეფენო, ნეტავ, რატომ?





# საქართველოს კასპი

## კალათბურთი

ნოდარ გვაზაშვილი

კალათბურთი გამოიგონა აშშ-ის ქალაქ სპრინგფილდის კოლეჯის მასწავლებელმა, ცნობილმა რაგბისტმა და ტანმოვარჯიშემ, დოქტორმა ჯეიმს ნეისმიტმა. 1891 წლის 21 დეკემბერს კოლეჯის მოსწავლეთა შორის მოეწყო პირველი ოფიციალური მატჩი. ამიტომ ეს დღე კალათბურთის დაბადების თარიღად არის გამოცხადებული. იმ შეხვედრაში 18 ყმაწვილი მონაწილეობდა, ესე იგი თითო გუნდში 9-9 მოთამაშე გამოდიოდა. მოთამაშეთა რაოდენობა გუნდში მოგვიანებით შემცირდა ხუთამდე.

თავდაპირველად ბურთს ხის ჩვეულებრივ კალათაში ისროდნენ. ამიტომ უწოდა ნეისმიტის მეგობარმა და კოლეგამ ფრენკ მორგანმა თამაშს ბასკეტბოლი („ბასკეტ“ ინგლისურად კალათს ნიშნავს, „ბოლ“ — ბურთს).

ფარები მოედანზე პირველად 1892 წელს დადგეს. ერთი წლის შემდეგ კი ხის კალათები რკინის რგოლებით შეცვალეს.

საერთაშორისო სარბიელზე კალათბურთი 1901 წელს გავიდა — ამ დროს ის, როგორც მოძრავი სპორტული თამაში, ბუფალოს პანამერიკულ გამოფენაზე აჩვენეს.

თანამედროვე კალათბურთის უშუალო წინამორბედად სპეციალისტები მანინც მიიჩნევენ ამერიკის კონტინენტზე გავრცელებულ ხალხურ თამაშს „პოკ-ტა-

პოკ“, რომელსაც უთუოდ იცნობდა ნეისმიტი. იგი, ალბათ, იცნობდა მექსიკურ კალათბურთის ორიგინალურ ბურთსაც („კლამატიტკლი“), რომელსაც მექსიკის მკვიდრი ინდიელები — აცტეკები ოსტატურად აძვრენდნენ ქვის რგოლში. ნეისმიტის დამსახურება ის გახლავთ, რომ ეს ცოდნა მან ორგანულად დაუკავშირა თავის გამოგონებას.

საქართველოში კალათბურთი საკმაოდ ორიგინალური და უჩვეულო გზით შემოვიდა. 1922 წელს მოსკოვში, სოკოლნიკის სტადიონზე, საკავშირო სპარტაკიადის დღეებში, თბილისის მუშაკის ფიზკულტურული წრის ხელმძღვანელმა



ალექსანდრე ჭელიძემ ნახა უცნობი თამაში, ჩაიწერა მისი წესები და უკან დაბრუნებისთანავე გააცნო იგი ნაცნობ-მეგობრებს. ერთი წლის შემდეგ, მუშუფაკის ევოლუციონისტული ადგილობრივ გუნდს შორის გამართულმა პირველმა ოფიციალურმა მატჩმა დასაბამი მისცა კალათბურთის ისტორიას საქართველოში.

მაგრამ, როგორც ირკვევა, ამ უდავოდ აღიარებულ და დადგენილ ფაქტსაც აქვს წინაისტორია. 1901 წელს თბილისში გამოვიდა ქალაქის ვაჟთა მეორე გიმნაზიის ტანვარჯიშის მასწავლებლის, ჩეხი ა. სკოტაკის წიგნი „ტანვარჯიშული თამაშები“. წიგნის ერთ-ერთი განაკვეთი „თამაში დიდი ბურთით“ დათმობილი აქვს კალათბურთის აღწერასა და წესებს. სამწუხაროდ, არ ვიცით, თამაშობდნენ კიდევ თუ არა მაშინ კალათბურთს საქართველოში.

ქართული კალათბურთის ისტორია იწყება 20-იანი წლების საუკეთესო გუნდით — „სინათლით“, გრძელდება თბილისის ოფიცერთა სახლის კლუბით და განვითარების ზენიტს აღწევს თბილისის „დინამოს“ გამარჯვებებით.

„დინამოს“ კალათბურთელთა კლუბი

შეიქმნა 1933 წელს. პირველ დიდ წარმატებას საკავშირო სარბიელზე 1956 წელს მიაღწია. ოთხჯერ იყო ქვეყნის ჩემპიონი, სამჯერ — საბჭოთა კავშირის თასის მფლობელი; ერთხელ მოიგო ზამთრის საკავშირო პირველობა. გაიმარჯვა ბევრ საერთაშორისო შეჯიბრებასა და ტურნირში. თბილისის „დინამოს“ კალათბურთელები, 1947 წლიდან მოცილებული, რეგულარულად გამოდიან საკავშირო ნაკრების შემადგენლობაში. სხვადასხვა დროს ევროპის ჩემპიონები იყვნენ ოთარ ქორქია, ნოდარ ჯორჯიკია, გურამ მინაშვილი, ვლადიმერ უგრეხელიძე, ზურაბ საკანდელიძე, ამირან სხიერელი, მიხეილ ქორქია, ნიკოლოზ დერიუგინი, ქალებში — ალისა ასიბაშვილი. 1967 წელს მსოფლიო ჩემპიონი გახდა ზურაბ საკანდელიძე, 1982 წელს — ნიკოლოზ დერიუგინი; 1972 წელს მიუნხენის ოლიმპიურ თამაშებში ოქროს მედლები დაისაკუთრეს ზურაბ საკანდელიძემ და მიხეილ ქორქიამ...

დარწმუნებული ვართ, კალათბურთის ისტორია კვლავ გამდიდრდება ქართველი ახალგაზრდების ახალი, სასახელო წარმატებებით.

## სპორტსმენი ბაბუა

### ბურაბ კოხარიძე

სპორტს მისდევს ჩემი ბაბუა, ჯერ არ გამსდარა აუბადა, ვარჯიშმა მისი სიბერე კარგა ხნით გადაავადა; ამბობს — სპორტი მაცილებსო მე ბაცაცა ბაცილებსო და არც ერთი მიკრობით ზედ არა მეავს შიშობობით; ბუბო კი სპორტს აქაიქებს და ქვე ქაქავს აუთიაქებს.



მხატვარი მანანა შორჩილაძე

# ქირნახული

ვიწყებთ საუბრებს, რომელთა საერთო სათაური იქნება „ქირნახული“.

ქირნახული ადამიანის ხელით მოყვანილ მიწის მოსავალზე ითქმის. რატომ მაინც და მაინც ქირნახული? იმიტომ, რომ მას დიდი გარჯა სჭირდება, ეს ნათესები მხილველნი არიან ადამიანთა თავდადაბული შრომისა, მიწას ნაკურები მათი ოფლისა, მიწის სიყვარულით ათრთოლებული მათი თითებისა, ლოცვა-ვედრებისა, — მოწყალე თვლით გადმოეხედა ზეცას, აერიდებინა უამინდობა: სეტყვა, უცაბედი ყინვა, ძლიერი ქარი, კოკისპირული წვიმები, გვალვა... და თუ ადამიანი კარგ მოსავალს მიიტანს შინ, იგი ძლიერად, გამარჯვებულად თვლის თავს, თვითონ მოსავალს კი მოფერებით უწოდებს ქირნახულს.


თანამედროვე ადამიანების დიდი ნაწილი დაშორდა მიწას, მათ შორის ჩვენთანაც, ჩვენს ქვეყანაში. და მაინც, ვფიქრობთ, არავისთვის ზედმეტი არ იქნება იცოდეს, რას ვჭამთ, რა როგორ მოდის და საიდან. ცოდნა ხომ, ყველაფერს რომ თავი დავანებოთ, თავისთავადაც არის დიდი სიამოვნება.

დავიწყებთ ყველაზე მთავარით — პური. საიდანა გვაქვს პური? ხორბლიდან!

ქირნახულთა შორის ყველაზე ამაყად ხორბალი წარმოითქმის. სჭირდება ვინმეს განმარტება, რომ დაფუჭული ხორბლისაგან ცხვება პური? მერე რამდენი პური: თეთრი, ძალიან თეთრი, თაღხი, შავიც კი; ფუნჩულა, დაბრაწული, კნატუნა,


თხელი ლავაშები, შოთი... ტკბილი ნამცხვრების ნაირსახეობანი ხომ არ ვიხსენებთ, აურაცხელიც კია. ხორბლისგანვე ამზადებენ მაღალხარისხოვან სასმელებს, სპირტებს, ბურღულეულს. მისი სულ ბოლო ნარჩენებიც კი ძვირფასი საკვებია ცხოველებისათვის.

მთელი მსოფლიოს ნახვავების თითქმის მესამედი ხორბალს უკავია, თანაც ხორბალი ყველგან მოჰყავთ, დედამიწის ყველა კონტინენტზე. მოჰყავთ სხვადასხვანაირი ხორბალი. მაგალითად, ეთიოპურ ხორბალს იისფერი დაჰკრავს, არის მწვანემარცვლიანიც, წითელმარცვლიანიც. სხვადასხვა ჩიშის ხორბალს სხვადასხვანაირი აქვს თავთავიც, გემოც. ზოგი თავთავი თითისტრისებურია, ზოგი კვადრატული, ზოგი პარიზმული. ზოგი ფხინა, ზოგი უფხო.



მატყარი თამაზ ხუციშვილი





1903 Z

ხორბალი უძველესი კულტურული მცენარეა. ის ჯერ კიდევ 7-8 ათასი წლის წინათ მოჰყავდათ წინა აზიაში. მსოფლიო ხორბლის 30 ძირითად სახეობას ითვისის. ამათაგან 12-ის სამშობლო წინა აზიის ქვეყნებია, მათ შორის საქართველო. ნახეთ, როგორ მშობლიურად ჟღერს ჩვენებური ხორბლის სახელები: გვაწა ზანდური, ჩელტა ზანდური, ასლი, ძველი კოლხური ასლი, დიკა, თავთუხი, მახა, დოლის პური; ერთ ზიზს დედაც კი ჰქვია. ჩვენში ხორბალი უმთავრესა და აღმოსავლეთ საქართველოში და დასავლეთის მაღალ ადგილებში ითვისება.

გავრცელებულია ხორბალთა რბილი და მაგარი ჯიშები. რბილი ხორბალი დედამიწის შედარებით გრილ ადგილებში მოჰყავთ, სითბოს მოყვარული მაგარი ხორბალი კი — სამხრეთ ქვეყნებში. თეს-

ვის თავისებურებანიც ორ ძირითად ჯგუფად ჰყოფს ხორბალს: საშემოდგომოდ და საგაზაფხულოდ. საშემოდგომო ნაძენსა, როდესაც ზაფხულის დასაწყისში მოხნულს სექტემბერში ან ოქტომბრის დასაწყისში მიაბარებენ თესლს. შემოდგომის წვიმები და მზე მალე გააღივებს მარცვალს და ყინვების დაწყებამდე ჭეჭილი კარგა ძლიერად მოიყრება. ასეთი ჭეჭილი კარგად გრძნობს თავს თოვლქვეშ. ფესვი ვითარდება, გაზაფხულზე კი მოღონიერებული ხვდება ამინდის ცვალებადობას. საგაზაფხულო ხორბალი გაზაფხულზე ითვისება, თუ ამინდმა ხელი შეუწყო, არც ის მოგვცემს ნაკლებ მოსავალს.

ძველად ყანებს ნამგლებით მკიდნენ, კევრებით ლეწავდნენ კალოზე. ახლა კომბაინი მკის და ლეწავს კიდევც.

ხორბალი ყოველთვის დიდი იმედი იყო მშრომელი კაცისა. ქართველი გლეხი იტყოდა: „შვიდ მაისს შვიდი ღერი მაინც რომ გქონდეს, კიდევ იმედი გქონდესო“. მართლაც, თუ მაისის წვიმები დროზე წამოვიდოდა, გამეჩხერებული ჭეჭილიც კარგ უნად იქცეოდა. კარგ უნაზე ამბობდნენ: „ზედ რომ საცერი გააგორო, ძირს არ ჩამოვარდებაო.“ გლეხი ეფერებოდა და ეაღერებოდა ყანებს: ნიავი რომ დაუბერავდა და ყანას ააღელვებდა, გლეხი იტყოდა, უნა კურდღლაობსო, ანდა: ააშრიალა უნამ თავისი მზეკაბანო. უნაზე უამრავი ლექსია შექმნილი, აი ერთი: უნაო, ოქრო-ზურმუხტო, გლეხის დიდებუკ, უნაო, იკურთხოს მისი მარჯვენა, ვინც გუესა, მოგიუვანაო.

ხორბალმა დიდი მოსავალი იცის, კარგ წლებში 70-80 ცენტნერს აღწევს ჰექტარზე. მაგრამ მას ადვილად აზიანებს გვალვა, ცხელი ქარი, სეტყვა, დაავადებანი; ამიტომაც ხორბლის ნათესებს თავს უნდა ევლებოდეს ყველა, დიდიც და პატარაც.

საქ. სსრ. კ. მარტის  
საბ. სსრ. ცენტრ.  
ბიბლოთეკა  
17



## პეპი და ჯიბიერი

ერთხელ თემობაში აკაკის ჯიბიერი მიეპარა და ჩუმად ხელი ჩაუყო ჯიბეში, სადაც ნაწერი ქალადღეობის მეტი არა იყო-რა. პოლიციელმა თუშმე შეინიშნა და წაავლო ხელი ჯიბეგარს. მწერალმა რომ დამფრთხალი და შემინებული ახალგაზრდა ქურდი დაინახა,

შევიდა, მიუბრუნდა და სიცილით უთხრა: «შე კაჯო, აკი ერთხელაც ვითხარი, მაგას ნუ შეგბი-მეთქი! რას იცი ხოლმე ჩემს ჯიბეში ხელის ჩაყოფა? ხელსაწყო რომ არ წაიკითხო, არ იქნება? როცა დანიშნულა, მაშინაც მოესწრები სხვებთან ერთად წაკითხვას!» ეს რომ პოლიციელმა გაიგონა, იფიქრა: «აღბათ, ვინმე კარგე შეხუმრებული ნაცნობი ყოფილა!» ბოლოში მოხდა და გაუშვა ჯიბიერი.

რამდენიმე წლის შემდეგ მწერალს ბარათი მიუვიდა: «დიდი ხანია, რაც კი რამ დაბეჭდილა თქვენი და იბეჭდება, ყველას ვკითხულობ. თქვენ რომ პირველად გნახეთ, ამ დღიდანვე მე ხელი ავიღე ჩემ პირვანდელ ხელობაზე, შევისწავლე წიგნების კინძეა, მეფე გახლავარ და თუ ინებებთ, წიგნებს ნახევარ ფასად შევიკნძავით».



# ქსოვა



ლილი ზურაბაშვილი

ბაკავითილი მკ-6  
თვლაზის კლუბი



თუ წაღმა პირიდან გვინდა თვლების დაკლება, ორი ან რამდენიმე თვალი ერთად უნდა გამოვიღოთ ან ზვიდიან წაღმით, ან ქეშვიდან წაღმით (სურ 1.). თუ უკულმა პირიდან გვინდა დაკლება, თვლები ერთად უნდა გამოვიღოთ უკულმით.

თვლაზის ღამაგრება

როდესაც ნაქსოვს მოვამთავრებთ, უკანასკნელი რიგის თვლები უნდა დაგამაგრეთ. ამას გადაქაპკვია. პირველი თვალი მსოქსოვლად გადავიტანოთ, მეორე თვალი გამოვქსოვით; მარცხენა ჩხირით ვაჯავრებთ-ოთ პირველად გადატანილი თვალი და მარჯვენა


ჩხირზე გამოქსოვილი მეორე თვალი ამ გაჯავრებულ თვალში ვაგატარებთ. მომდევნო თვლები ამავე წესით უნდა გადავქსოთ და სულ ბოლოს უნდა ვაგამაგრეთ. (სურ. 2).

თვლებს დამაგრება შეიძლება სხვაგვარადაც: სასურველი დეტალები მოქსოვას რომ დაგამთავრებთ, ერთი რიგი უკულმა გამოქსოვით, შემდეგ 4 ან 6 რიგი - წაღმა, მეორე ნაქსოვი უკულმა გამოქსოვილ რიგზე გადავქსოვით, გამოვადროთ საქსოვი ჩხირი და წესით და შესაფერისი ძაფით ყველა თვალში ამოვუჭებით.






# თვსატუხი



შეაფხეთ უჯრედები ფრანველების სახელებით ისე, რომ ფერად სვეტში მიიღოთ სიტყვა «კუბდარი» — სვანური კუბდის (ხორციანი პურის) სახელწოდება.

შეადგინა მესტიის რაიონის ადიშის არასრული საშუალო სკოლის მოსწავლე ბესიკ ავალიანმა.



ასანთის ღერებზეაგან შედგენილ ჭიქაში პურის ნამცეცია ჩა-ვარდნილი, გადააღებელი მხოლოდ ორი ასანთის ღერი ისე, რომ პურის ნამცეცი ჭიქის გარეთ აღმოჩნდეს. ამ დროს ჭიქის მდებარეობა შეიცვლება.



საპარიტველოს ალკკ მკ-ისა და პ. ო. ლეონიძის სახელმუშაო პიონერობა ორგანიზაციის რეკონსტრუქციის საბჭოს ქურნალი უმცროსკლასშემოთა-30ს.

გამოსვლის 1904 წელიდან. საქ. კ. ც-ის გამოცემლობა.

შთავარი რედაქტორი  
რეკავი იმანიშვილი

სარედაქციო კოლეგია: ქუმარდ ამო-კამი, მანანა მთიანი, ლამარა პაპია, სანილი პოპიბერიძე, მერი ლაპიძე-შვილი, სოლომონი ამოზინაშვილი, ლეილა მრამი, გულა ლოსაბერიძე, გავაშაძე მკვლევარი, ჯანგა ნარი-რამი, იმანიძე ნალაშვილი (პ/მ. მელიქიანი), გივი ამოზინა, გივი მთიანი.

სამხატვრო რედაქტორი  
გიორგი როინიშვილი

ტექნიკური რედაქტორი  
მერი შანიანი

მისამართი რედაქციის, გამოცემლობის, სტამბის — თბილისი, ლენინის 14. ტელ: ში. რედაქციის 93-41-30, 93-98-16; პ/მ. მელიქიანი 93-10-32, 93-98-18; საშ. რედაქციის — 93-98-18; განყოფილებ-ბის 93-98-19.

გაზეთი ასაწობად 20.07.89 წ., ხელმო-წერილი დასაბეჭდად 25.09.89 წ., ქა-ღაღდის ზომა 60x90/8, ფიხ. ნაბ. ფურც. 2,5. ტირაჟი 168.000, შეკვითი № 1689

ვლახ ნახტი  
ზაპრ მკისაძისა

«Дила» («Утро») — Ежемесячный журнал ЦК ЛКСМ Грузии и Грузинского Республиканского Совета Всесоюзной пионерской организации им. В. И. Ленина, для младшеклассников, на грузинском языке. Отпечатано в типографии издательства ЦК КП Грузии.

Главный редактор Реваз Иванишвили (тел. 93-41-30). Адрес редакции и издательства: 380098, г. Тбилиси ул. Ленина, 14. Объем 2,5 печатных листа, тираж 168.000. Заказ № 1689

6 22/40



რამდენი უმცლთხაა ამ ნახატში?